

ضاعت بالهموم .. هذي الوديعة
يا حجة الله .. أكبر فجيعة

زينب غريبة باليسر في رحلة الشام
عانت من اجروح العمر باحزان والام
وشلون بت حيدر علي يحسين تنضمام
وتروح بدروب السبي بس نسوة وايتام

كافلها مذبوح جنب الشريعة
يا حجة الله اكبر فجيعة

ضاعت بالهموم .. هذي الوديعة
يا حجة الله .. أكبر فجيعة

زينب تهل الدمعة لفراق الحبايب
وشلون تتخلى وتعوف ام المصايب
زينب قضت عمر الحزن والراس شايب
زينب قضت محنة و صبر والقلب ذايب

تبجي لعباس جفه قطيعة
يا حجة الله اكبر فجيعة
ضاعت بالهموم .. هذي الوديعة
يا حجة الله .. أكبر فجيعة